

45

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1983

T 9297.1100 B



玉海卷第五十三

浚儀王應麟伯厚甫

藝文

諸子 又見著書等類

哈佛大學漢和
圖書館珍藏印

歐陽脩曰仲尼之業垂之六經其道宏博君人治
物百王之用微是無以為法故自孟軻楊雄荀卿
之徒又駕其說扶而本之歷世諸子傳相祖述自
名一家異端其言或破碎於大道然訂其作者之
意要之孔氏不有殊焉 梁劉勰曰諸子者述道
見志之書太上立德其次立言百姓之群居苦紛

雜而莫顯君子之處世疾名德之不章唯英才特
達則炳耀垂文騰其姓氏懸諸日月

漢諸子畧

見書目類 **志** 儒家自晏子子思至揚雄所序五十

三家八百三十六篇 入揚雄一家三十八篇 道家自

伊尹太公辛甲鬻子至楚子及道家書三十七家九

百九十三篇陰陽家自宋司星子常至雜陰陽二十

一家三百六十九篇法家自李悝商君至法家言十

家二百一十七篇名家自鄧析尹文子至毛公七家

三十六篇墨家自尹佚田俅子至墨子六家八十六

諸子

政理論六十九家九十一卷
二部七百九十一卷
家七十四部一千二百四十七卷并神仙三十五家三
釋氏二十四部一千二百四十七卷并神仙三十五家三
曰法家自管子至五經析疑十五卷
公孫龍子十二家五部一百六十六卷
四部五十五卷
橫家自鬼谷子至補闕子
五部一千卷
一曰農家自范子計然至兆人本業十九
九曰小說家自燕丹子至真報記三十卷
十曰天文周
驛至乙巳占二十家
三十五部三百六卷
十一曰曆筭自九章重差至刻
三十五部二百
十二曰兵書自黃帝問玄女法至懸鏡
九十三曰五行自沈思經至地理經六十卷
卷九十三曰五行自沈思經至地理經六十卷
萬曆十七年
監生饒與良

雜藝術自投壺經至五星圖十一卷十五曰類書自皇覽至

部七千二百八十八卷十六曰明堂經脉黃帝鍼經至內

經太素十六家三十一卷十七曰醫術類本草至崔知悌

五部二百三十一卷凡著錄六百九家九百六十七部一萬

二千一百五十二卷不著錄五百七十七家五千六百一

十五卷六典丙部為子其類十有四儒道法名墨

縱橫雜農小說兵法天文曆數五行醫方

梁劉勰云七略派流諸子鱗萃純粹者入矩躡駁者

出規後漢論云貴清靜者以席上為腐議東名實

者以柱下為誕辭北史云淹中稷下八儒三墨之

異漆園黍谷名法兵農之別

唐子書要畧 意林

志雜家孟儀子林二十卷沈約子鈔三十卷隋志十

庾仲容子鈔三十卷書目梁庾仲容鈔諸子凡百有

薛克建子林三十卷盧藏用子書要畧一卷馬摠意

林一卷晁氏志三卷抄諸子百餘總以庾仲容繁畧

晏子

漢志儒家八篇名嬰謚平仲相齊景公隋志唐志

晏子春秋七卷史記晏平仲者名嬰萊之夷維人

也事齊靈公莊公景公節儉力行既相齊食不重肉

妾不衣帛其在朝君語及之即危言語不及之即危行國有道則順命無道則衡命以此三世顯名於諸侯太史公曰吾讀管氏牧民山高乘馬輕重九府及晏子春秋詳哉其言之也

子思子

漢志儒家子思二十三篇名伋孔子孫

隋志同唐志

七卷孔伋

晁氏志一卷四庫書目無之載孟軻問

牧民之道何先子思曰先利之孟軻曰云

温公采之著於通鑑

文選注引子思子曰民以君為心君以民為體其言明且清沈約曰禮記中庸表記坊記緇衣皆取

子思子

初學記引之

曾子

漢志儒家十八篇名參

隋志二卷目一卷

唐志

二卷

書目參與弟子公明儀樂正子春單居離曾

元曾華之徒論述立身孝行之要天地萬物之理今

十篇自脩身至天圓皆見於大戴禮於篇第為四十一至五十八

蓋後人據出為二卷上卷脩身至事父母下卷制言

至天圓

劉清之集錄七篇內篇一外篇雜篇各三

漆彫子

漢志儒家十三篇孔子弟子漆彫啓後

韓非子儒

分爲八有漆彫氏之儒

宓子

漢志儒家宓子十六篇名不齊字子賤 景子三篇
說宓子語似其弟子

世子

漢志儒家二十一篇名碩陳人也七十子之弟子
論衡本性篇周人世碩以人性有善有惡舉人之善
性養而致之則善長惡性養而致之則惡長如此則
性情各有陰陽善惡在所養焉故世子作養性書一
篇宓子賤漆彫開公孫尼子之徒亦論情性與世子

諸子

相出入皆言有善有惡

公孫尼子

漢志儒家二十八篇七十子之弟子 隋志一卷似

孔子弟子唐志一卷儒家 禮記緇衣公孫尼子所作 沈

約曰樂記取公尼子 文選注引之

孟子

見前 論語孝經後

荀子

漢志儒家孫卿子三十二篇名況趙人爲齊稷下祭
酒注師古曰本曰荀卿避宣帝諱故曰孫 志又有孫

嘉靖丙辰年 嘉靖丙辰年 嘉靖丙辰年 嘉靖丙辰年

卿賦一篇

劉向序臣句校中孫卿書二百二十二

篇除複重二百九十篇定著三十二篇隋志十二

卷唐志荀况集一卷唐志今書自勸學至堯問三

十三篇楊倞注并序元和十三年分爲二十卷篇第頗

有移易使以類相從改孫卿新書爲荀卿子史記

荀卿推儒墨道德之行事著數萬言書目陳之方

削荀子疵一卷凡四十篇

董子

漢志儒家一篇名無心難墨子唐志一卷宋朝

吳祕注一卷戰國時書目一卷與學墨者纏子

諸子

辨上同兼愛上賢明鬼之非纏子屈焉論衡引董

子難纏子

魯仲連子

漢志儒家十四篇隋志五卷唐志書目五卷退

隱海上論著此書春秋正義引魯連書荀子注

引魯連子謂田巴文選注引之

王孫子

漢志儒家一篇一日巧心

孔叢子一名盤孟子

隋志論語類孔叢七卷孔鮒撰孔志十卷梁劉被撰

孔子家語二十一卷王肅解書目孔叢子七卷合

為二十三篇晁氏志鮒字子魚論集仲尼子思子

上子高子順之言及已之事凡二十一篇為六卷嘉言至卷

問孔臧以所為賦與書謂之連叢上下篇為一卷附

于末按漢志無孔叢子而儒家有孔臧十篇雜家有

孔甲盤孟書二十六篇意者孔叢子即漢志孔甲盤

孟書而亡六篇連叢即漢志孔臧書而其子孫或續

之也嘉祐三年二月宋咸序四年二月丁亥咸為

廣西轉運上所注揚子孔叢子賜三品服并撰釋文

以三年十二月表上

諸子

牟子

隋志儒家道志二卷後漢太尉牟融撰文選注引

之

魏子

隋志儒家三卷後漢魏朗撰

文中子中說

唐志儒家王通中說五卷崇文目十卷王道天地

事君周公問易禮樂述史魏相立命關子明王福

時家書雜錄中說編為十篇成十卷阮逸注王績

傳兄通隋末聚徒河汾倣古作六經為中說擬論語

不為諸儒稱道惟中說獨存 唐李翱以比太公家

教及司空圖皮日休始重之日休作碑宋興柳開孫何振

而張之遂行於世 阮逸序中說者門人對問之書

薛叔姚義集而名之正觀二年御史大夫杜淹始序

中說及世家 龔鼎臣得唐本於齊州李冠家以甲

乙冠篇而分篇始末皆不同又本文多與逸異阮龔

各以所得本為訓義 宋咸撰過文中子十卷又駁

中說二十二事 程子稱其書勝荀揚 陳亮參取

阮龔本類次為十六篇其無條目可入與凡可畧者

不錄 司馬光補傳

諸子

元子

唐志儒家元子十卷又浪說七篇漫說七篇元結別集元結文

編十卷 天寶九年庚寅至十二年癸巳成書五篇

一萬六千五百九十五言分為十卷卷首有元氏家

錄紀其世次中書舍人李紆序其中惡圓惡曲至于

世化凡十四篇文編亦有之

仲蒙子

唐志儒家林謹思三卷咸通中人書目三卷假谷

問之辭叙三才君臣文武之事凡萬言

周生烈子

唐志儒家五卷
侍中周生烈撰
隋志周生子要論一卷錄一卷魏

冀子

唐志儒家五卷冀重字子泉
定州容城人

元和子

唐志儒家杜信二卷

鯁子

國史志儒家趙隣幾一卷

素履子

國史志儒家張弧一卷

聱隅子

書目儒家一卷

黃晞著聱隅子楊庭論嘉祐元年十一月十五日以為太學助教唐沈顏聱書十卷

子華子

書目儒家十卷載劉向校錄序曰向所校讎中外書

子華子凡二十四篇以相校除複重十四篇定著十

篇又曰子華子程氏名本字子華晉人也善持論不

肯苟容於諸侯聚徒著書自號程子案漢志及隋唐

二志崇文總目國史藝文志悉無此書吳兢李淑二

家書目亦不載必近世依託也
晁氏志云元豐以後

萬曆十七年

監生施可光

舉子所為雜家

莊子稱子華子見韓昭侯陸德明

以為魏人 呂氏春秋引子華子曰注子華子體道人

鬻子

漢志道家二十二篇名熊為周師自文王以下問焉

小說家鬻子說十九篇後世所加 唐志道家一百

三十七家始於鬻子一卷永徽中逢行珪注 行珪序

云十四篇

書目雜家十四篇鬻熊楚之先也為周

文王師著書二十二篇今本十四篇 始於大道文王

問

列子天瑞篇粥熊曰運轉無已天地密移力命

篇鬻熊語文王曰自長非所增自短非所損 文心

雕龍鬻熊知道而文王咨謀諸子肇始莫先於斯

賈誼新書引文王武王成王問粥子

老子 見御製 老子經傳

漢志道家老子鄰氏經傳四篇 李耳 傅氏經說三十

七篇徐氏經說六篇劉向說四篇 史記老子著上

下二篇五千餘言老萊子亦楚人著書十五篇言道

家之用 漢志道家老成子十 葛玄序老子西游天

下關令尹喜曰大道將隱乎願為我著書於是作道

德二篇五千文上下經 河上公漢文帝時授素書

道德經章句二卷道經體道至為政第三十七德經論德至顯質第八十一

晁氏志李耳以周平王四十二年授關令尹喜凡五千七百四十有八言八十章言道德之旨其末云使民復結繩而用之蓋三

皇之道也集賢注記開元二十年九月左常侍崔

沔入院修撰與道士王虛正趙仙甫并諸學士參議

修老子疏舊唐史司馬承禎善隸書玄宗令以三

體寫老子經因刊正文句定著五千三百八十言為

真本奏上之一本云司馬子微開元中帝命以三體寫老子刊正文句梁元帝

著講疏四卷賀瑒著老莊講疏陳張譏撰老子義

諸子

十一卷 晉羊祜為老子傳 魏王弼老子畧論

王禹玉曰今資善堂所寫御本獨無章名章名疑非

老氏之意 書目三家老子音義一卷徐鉉補正唐

德明傳奕二家音義故名三家道德經三十家注六

卷唐張君相集解集河上公嚴遵王弼何晏郭象鍾

散陶隱居松靈仙人裴處恩杜弼節解張憑張嗣誠

玄靜大孟小子孟竇畧宋文明褚綵劉進喜蔡子晃成

玄英車惠唐志嚴遵指歸十四卷隋志老子指歸

彌等注釋文漢嚴遵字君平作指歸十四篇演解五千文

國史志道德經節解二卷嚴君平指歸十三卷諸家

道德經疏二卷河上公葛仙公鄭思遠魯宗元宗并自疏不知姓名秦交傳

嘉靖內長

卷五十三

二

監生王道行刊

李權曰仲尼嚴平會聚衆書以成春秋指歸之文古
朴曰嚴君平見黃老作指歸 程大昌易老通言十
卷 司馬光述要呂大臨蘇轍劉涇王安石注各二

卷

文子

漢志道家九篇老子弟子與孔子並時而稱周平王

問似依託者也

隋志十二卷

唐志同 柳宗元曰十二

竊蓋駁書也凡管子蓋數家皆見刑

文選注范子曰

文子姓辛葵丘濮上人稱曰計然南遊於越范蠡師

事之本受業於老子文子錄其遺言為十二篇今

諸子

本十二卷元魏李暹注

唐徐靈府注 即墨

朱玄

關尹子

漢志道家九篇名喜為關吏老子過關喜去吏而從

之劉向校關尹子永始

列仙傳著書九篇名關令

子今本九卷一字至九藥

列子

漢志道家八篇名圖寇先莊子 隋志八卷晉張湛

注天瑞至 舊二十篇劉向去重複存者八篇向校

書未始二二年 柳宗元曰揚朱力命疑其揚子書

嘉靖丙辰年 監生王道行刊

天寶初號冲虛真經景德四年二月丙寅加至德二字
唐殷敬順撰釋文 徽宗御製解 王曉列子
旨歸一篇

莊子

漢志道家五十二篇名周宋人成玄英云釋文序

錄五十二篇即司馬彪孟氏所注內篇七外篇二十

八雜篇十四解說三 郭子玄云一曲之才妄竄奇

說若闕弈意脩之首危言游鳧子胥之篇凡諸巧雜十分有三言多詭誕或似山海經或類占夢書注者以意去取其內篇衆家並同其餘或有外而無雜

今本十卷三十三篇逍遙遊至天下分為內外雜篇

內篇七外篇十 唐成玄英疏三十三卷本郭象注為

疏義 **北史**何妥義疏四卷 **南史**張譏內篇義十

二卷外篇義二十卷雜篇義十卷 **唐志**道家郭象

崔譔注十卷向秀注李願王玄古集解陸德明文句

義各二十卷司馬彪注二十一卷成玄英注三十卷

疏二卷張九垓指要三十三篇書目成玄英疏十卷

也唐文如海正義十卷晁氏志文如 **隋志**徐邈集

音三卷梁簡文講疏十卷本二十卷今缺 梁曠南華

論一十五卷本三十卷 **史記**莊子著書十餘萬言

嘉靖丙辰年 玉海卷五十三 監生夏彬刊

大抵率寓言也。文選注引淮南王莊子畧要。晉王坦之著廢莊論。宋朝王曉莊子旨歸二篇。

亢倉子

史記莊子傳畏累虛亢倉子之屬皆空語無事實。

唐志王士元亢倉子二卷。天寶元年二月丙申號

莊子南華庚子號列子冲虛文子通玄亢倉子洞靈

真經然亢倉子求之不獲王士元謂莊子作庚桑太

史公列子作亢倉子其實一也取諸子文義類者為二

卷補其亡。今本五卷九篇自全道至兵道何璩注。

柳宗元曰首篇出莊子而益以庸言劉向班固錄書

無之今之為術者始為傳注。書目三卷首篇與莊

子庚桑楚篇畧同。

四子治國樞要

晁氏志四卷唐范乾九集四子莊文列亢倉謂黃老

之道內足以修身外足以治國采其書有益治道者

分為二十門。

鵝冠子

漢志道家一篇楚人居深山以鵝為冠。隋志三卷

書目楚之隱人。韓愈謂其詞雜黃老刑名。柳宗

元以為好事者偽為其書。晁氏志著書十五篇論

監生

刊

王海卷五十三

十五

三才變通古今治亂之道三卷今本博選至學間
分為四卷

田子

漢志道家二十五篇名駢齊人游稷下號天口駢呂

春秋作
陳駢

廣成子

隋志道家十三卷唐志十卷商洛公撰張太衡注疑近

人作 晁氏志廣成子解一卷蘇軾取莊子黃帝問

道一章為解

任子道論

諸子

隋志道家十卷魏河東太守任嘏撰

抱朴子

隋志道家抱朴子內篇二十一卷音一卷葛洪撰唐

十卷雜家外篇三十卷梁有五十一卷晉葛洪傳內

篇玄黃白外篇駁雜通釋內外一百六十一篇號抱

朴子 書目內篇二十卷外篇五十卷合內外篇今

存共七十卷

唐子

後漢方術傳唐檀著書二十八篇名唐子 隋志道

家唐子十卷吳唐滂撰唐志

嘉靖庚戌年補

三母卷五十三

六

幽求子

晉儒林傳杜夷著幽求子二十篇

隋志道家杜氏

幽求新書二十卷

陸子

唐志道家十卷陸雲

天機子

晁氏志一卷凡二十五篇一名陰符二十四機諸葛

亮撰觀其詞旨殆李筌所為托之孔明也載道藏中

書目道家天機經一卷不知作者

鄒子

諸子

漢志陰陽家鄒子四十九篇名衍齊人為燕昭王師

居稷下號談天衍鄒子終始五十六篇師古曰亦鄒

奭子十二篇齊人號曰雕龍奭史記騶衍深觀陰

陽消息而作怪迂之變終始大聖之篇十餘萬言其

語闕大不經作主運劉向別錄鄒子書有主運篇封

侯

容成子

漢志陰陽家十四篇呂氏春秋容成作曆莊子

容成氏曰除日無歲無內無外則陽篇

管子 管子指畧

漢志道家管子八十六篇名夷吾相齊桓公孝經有弟子職一篇注管子所作隋志法家十九卷唐

志法家十九卷尹知章注三十卷杜佑管子指畧二卷書目二十四卷法家劉向序管子書三百八

十九篇校除複重定著八十六篇其書務富國安民道約言要史記管仲頽上人既任政相齊通貨積

財富國疆兵與俗同好惡故其稱曰倉廩實而知禮節衣食足而知榮辱上服度則六親固四維不張國乃

滅亡禮義廉耻下令如流水之原令順民心故論卑而易行太史公曰吾讀管氏牧民山高乘馬輕重九

諸子

府及晏子春秋詳哉其言之也既見其著書欲觀其行

事故次其傳至其書世多有之是以不論論其軼事

注劉向別錄曰九府書民間無有山高一名形勢

傅子管仲之書過半是後之好事所加輕重篇尤鄙

俗孔頽達曰或後人所錄國史志尹知章注十九卷吳氏西齋書目

三十卷此自形勢解亡唐杜佑抄管氏書為指

畧序稱房喬所注而舊錄皆作尹知章文句無復小

異今本房元齡注五十八篇有注有經言外言內言

短語區言雜篇解輕重牧民第一至輕重與第八十

丁度管子要畧五篇

萬曆十六年 監生吳學相刊

李子

漢志法家三十二篇名悝相魏文侯富國彊兵

申子

漢志法家六篇名不害相韓昭侯 劉向別錄申子

學別刑名以名責實尊君卑臣崇上抑下宣帝好觀

其君臣篇 史記列傳著書二篇號曰申子別錄民

下二篇中書大篇皆合二 唐志三卷 韓非子申

篇已備過大史公所記 不害徒術而無法公孫鞅徒法而無術

商子

漢志法家商君二十九篇名鞅相秦孝公 隋志商

君書五卷唐志五卷 書目商子五卷 史記嘗讀商

君開塞耕戰書與其人行事相類今是書具存共二

十六篇本二十九今三篇亡 晉庾峻曰秦塞斯路

利出一官雖有處士之名而無爵列於朝者商君謂

之六蠹韓非謂之五蠹文心雕龍云商

韓子

漢志法家五十五篇名非 史記列傳作孤憤五蠹

內外儲說林說難十餘萬言韓安國受韓 隋志唐

同二十卷目一卷 今本五十六篇注不詳名氏

鄧析子

萬曆十六年

漢志名家鄧析二篇鄭人與子產並時

隋志一卷

唐志

晁氏志二卷其書大旨訐而刻

尹文子

漢志名家一篇說齊宣王先公孫龍注劉向云與宋

鉞俱游稷下

隋志二卷周之處士遊齊稷下

唐

志一卷

書目

二卷齊人劉向以其學本於黃老居

稷下與宋鉞彭蒙田駢等同學於公孫龍魏黃初末

山陽仲長氏得其書始詮次為上下二篇

公孫龍子

漢志名家十四篇

師古曰即為堅白之辨者

唐志三卷

書目名家一卷

陳嗣古賈大隱注各一卷

惠子

漢志名家一篇名施與莊子並時

莊子惠施多方

其書五車其道舛駁其言也不中

荀子惠子蔽於

辭而不知實

田俅子

漢志墨家三篇先韓子

隋志梁有一卷

亡

文選

注引之

墨子

漢志墨家七十一篇名翟為宋大夫在孔子後墨家

萬曆十六年

三母卷五三

二

監生于光烈刊

出於諸廟之守。貴儉兼愛上賢。右鬼非命。上同。此其所長也。墨六家八十六篇。始於尹佚二篇。周臣次田俅子三篇。我子一篇。為墨子之學隨巢子六篇。胡非子三篇。墨翟弟子終於墨子。隋志十五卷。目一卷隨巢胡非子各一卷。唐志書目十五卷。自親士至雜守。為六十一篇。亡九篇。一本自親士至上同。凡十三篇。

墨辯

晉魯勝傳著正天論著述為世所稱。注墨辯存其序。曰墨子著書作辯經以立名本。惠施公孫龍祖述其

諸子

學以正刑名顯於世。孟子非墨子。其辨言正詞則與墨同。荀卿莊周等皆非毀名家而不能易其論也。墨辯有上下經。各有說。凡四篇。與其書眾篇連策。故獨存。今引說就經。各附其章。疑者闕之。又采諸眾雜集為刑名二篇。畧解指歸。以俟君子。

蒯子

雋末

漢志縱橫家五篇。名通。史記蒯通者善為長短說。

論戰國之權變為八十一首。索隱曰戰國策漢傳

論戰國說士權變亦自序其說。凡八十一首。號曰雋

末。論甘美而邊通學短長。主父偃學長短縱橫

嘉靖庚戌年補

王每卷三十三

三

術

蘇子

漢志縱橫家蘇子三十二篇秦張子十篇儀呂氏曰蘇秦周人也張儀公孫衍魏人也故言權變辨智之士必曰三晉兩周

鬼谷子

唐志縱橫家鬼谷子二卷蘇秦又樂壹隋志云注三

卷尹知章注三卷史記正義鬼谷谷名在雒州陽

城縣北五里七錄有蘇秦書樂壹注云秦欲神秘其道故假名鬼谷也鬼谷子三卷樂壹注字正魯郡人

有陰符七術有揣及摩二篇戰國策云得太公陰符之謀伏而誦之簡練以為揣摩昔年揣摩成按鬼谷子乃蘇秦書明矣中興書目三卷周時高士無鄉

里族姓名字以其所隱自號鬼谷先生蘇秦張儀事之授以押闔下至符言等十有二篇及轉圓本經持

樞中經等篇亦以告儀秦者也楊子曰儀秦學乎鬼谷術一本始

末皆東晉陶弘景注一本押闔反應內捷抵巇四篇不詳何人訓釋中下二卷與弘景所注同有飛錘揣

摩之篇元真為指要幾千言柳宗元辨曰劉向

班固錄書無鬼谷子險盤峭薄世之言縱橫者時葆

其書晚乃益出七術言益奇而道益陜
晁氏志押
闔之術十三章本經持樞中經三篇
隋志鬼谷子
三卷皇甫謐注
周世隱於鬼谷
兵書有鬼谷先生
占氣一卷

補闕子

唐志縱橫家梁元帝十卷
隋志又有湘東鴻烈十卷
雜家金樓子十卷

尉繚子

漢志雜家尉繚三十九篇六國時
劉向別錄云兵形
執尉繚三十一篇
隋志五卷
梁并錄梁惠王時人

唐志六卷

諸子

尸子

漢志雜家二十篇名佼魯人秦相商君師之
隋志

二十卷
唐志同目一卷
梁十卷秦相衛鞅上客尸佼撰

其九篇亡魏黃初中續
爾雅疏引廣澤篇劉向別

錄楚有尸子疑謂其在蜀今案尸子書晉人造二十

篇書凡六萬餘言
書目儒家一卷李淑書目所存

者四卷今止存二篇合為一卷
後漢書注一篇言

九州險阻水泉所起十九篇陳道德仁義之紀

淮南子
見着書類

隋志雜家二十一卷劉安撰許慎高誘注

傅子

隋志雜家一百二十卷晉司隸校尉傅玄撰唐志同

晉傅玄傳論經典九流及三史故事評斷得失各為

區例名為傅子為內外中篇凡有四部六錄合百四

十首數十萬言初作內篇成示司空王沉沉曰足以

塞楊墨之流道齊荀孟於往代崇文目五卷中興日同

書目今存二十三篇餘皆缺

劉子

比齊劉晝字孔昭撰袁孝正為序并注凡五十五

篇清神至九流書目三卷泛論治國修身之要雜

論子

以九流之說北史晝著金箱壁言撰高才不遇傳

唐志雜家十卷劉勰晁氏志齊劉晝撰或以為

劉勰或以為劉孝標未知孰是

尹子

書目雜家五卷不知名設答問之辭雜論天地軍國

地里靈神釋老之事并序論凡十九篇

唐中黃子

書目唐嚴從撰三卷從自號中黃子開元中為著作

郎既卒皇太子命侍文呂向訪其遺文得八篇序為

三卷唐志嚴從集三卷

嘉靖丙辰夏年

三冊

二四

監生夏彬刊

樊子

唐志雜家樊宗師三十卷

務成子

漢志小說家十一篇稱堯問非古語荀子大畧篇

舜學於務成昭注尸子務成昭之教舜曰避逆從順

天下不足取新序子夏對哀公云云

炙轂子

唐志小說家炙轂子雜錄注解五卷書目炙轂子

雜錄五卷唐王叡以二儀實錄古今注樂府題解合

編為一書又炙轂子詩格一卷叙詩體式所始評其

諸子

述作之要

陳子

後漢陳紀著書數萬言號曰陳子

韋卿子

後漢韋彪著書十二篇號曰韋卿子

老耽貴柔孔子貴仁墨翟貴廉關尹貴清子列子貴

虛陳駢貴齊陽朱貴已孫臏貴勢王廙貴先兒良貴

後呂氏春秋墨子貴兼孔子貴公皇子貴秉田子

貴均列子貴虛料子貴別尸子慎子有見於後無

萬曆丁亥年 監生趙雲承刊

見於先老子有見於拙無見於信墨子有見於齊無見於畸宋子有見於少無見於多墨子蔽於用而不知文宋子蔽於欲而不知得慎子蔽於法而不知賢申子蔽於勢而不知知惠子蔽於辭而不知實莊子蔽於天而不知人荀子

玉海卷第五十三

玉海卷第五十四

浚儀王應麟伯厚甫

藝文

總集文章

屈原作離騷為百代詞章之祖眾士慕嚮綴文接踵於道各名一家之言別而聚之命之曰集其原起於東京而極於有唐至七百餘家晉摯虞彙分之曰文章流別後世祖述為總集至唐亦七十五家

楚辭 漢離騷傳 唐七家楚辭 楚辭

章句

史記屈原傳原名平楚之同姓也為楚懷王左徒上官大夫讒之王怒而疏平平憂愁幽思而作離騷離騷者猶離憂也既死之後楚有宋玉唐勒景差之徒者皆好辭而以賦見待然皆祖屈原

漢地理志楚

屈原被讒作離騷諸賦後有宋玉唐勒之屬漢淮南王安著書而吳有嚴助朱買臣責顯文辭並發故世傳楚辭

漢藝文志屈原賦二十五篇唐勒四篇宋玉十二篇

漢傳淮南王安武帝使為離騷傳且受詔日食時上

王逸云武帝使安作章句

隋志淮南王章句其書已亡

朱買臣

總集文章

召見說春秋言楚辭帝甚說之宣帝召能為楚辭

九江被公召見誦讀王褒傳揚雄作書擬離騷文而

反之名曰反離騷又旁離騷作重一篇名曰廣騷又

旁惜誦以下至懷沙一卷名畔牢愁班固叙贊二

篇固云孝武詔淮南王安叙離騷傳以為國風好色

而不淫云云斯論似過其實班彪有悼離騷王逸

順帝時著楚詞章句行於世隋志云後漢校書郎王逸集屈原迄劉向又自

為一篇并叙而注之梁竦感悼子胥屈原作悼騷賦繫元石

沈之應奉著感騷三十篇數萬言愍屈原因以自

傷文心雕龍辨騷隋志楚辭十部二十九卷王逸至劉

益生夏彬刊

春宋何偃刪逸注十一卷亡皇甫遵訓原著離騷宋
 參解七卷又楚辭音各二卷見唐志劉向揚雄擬作以原楚
 王傷而和之其後賈誼東方朔劉向揚雄擬作以原楚
 人也謂之楚辭隋時有釋道騫善讀之今傳楚辭者
 祖騫公之音唐志集錄楚辭類七家七部三十二
 卷王逸注十六卷隋志十卷郭璞注十卷隋志三卷楊穆九
 悼一卷劉杳離騷草木蟲魚疏二卷孟奧徐邈僧道
 騫音各一卷樂類離騷譜一卷中興書目楚辭九家九十
 四卷宋朝黃伯思翼騷一卷伯思曰屈宋諸騷皆
 書楚語作楚聲紀楚地名楚物故謂之楚辭洪興祖
 補注十七卷考異一卷黃銖協韻一卷朱熹集

總集文章

楚八卷辨證二卷晁補之集續變二書各二十卷

嘉州補定著五十二篇為楚辭後語

離騷經九歌東皇天一雲中君湘君湘夫人大司命少司命東君河伯山鬼國殇禮魂十一章九章惜誦涉

九章惜誦涉

九章惜誦涉

九章惜誦涉

九章惜誦涉

九章惜誦涉

九章惜誦涉

太史公曰屈平之作離騷蓋自怨生也國風好色而

不虛小雅怨誹而不亂若離騷者可謂兼之矣其文約其
辭微其志潔其行廉其稱文小而指極大舉類通而
見義遠其志潔故其稱物芳其行廉故死而不容自
踈濯淖汙泥之中蟬蛻於濁穢以浮游塵埃之外不
獲世之滋垢爾然泥而不滓者也推此志也雖與日
月爭光可也 朱文公曰其寓情草木托意男女以
遊觀之適者變風之流也其叙事陳情感今懷古
不忘乎君臣之義者變雅之類也至於語冥昏而
憂懼愆憤而失中則又風雅之再變矣其語祀神
歌舞之感則幾乎頌其要也又有甚焉自原之後作

者繼起而宋玉賈生相如揚雄爲之冠七諫以下無
足觀者而褒爲最下 晁氏曰離騷遭憂也終窶且
貧莫知我艱北門之志也何辜於天我罪伊何小弁
之情也以附益六經之教於詩最近懷沙言賦橘頌
言頌九歌言歌天問言問皆詩也離騷備之矣蓋詩
之流至於楚而爲離騷至漢而爲賦其後復變而爲
詩又變而爲雜言長誼問對銘贊操引

漢連珠

三輔決錄注趙岐擬前代連珠之書四十章上之假

以達旨而覽者微悟歷歷 蔡邕傳著連珠 韓說奏

如貫珠故謂之連珠 萬曆十七年 監生施可光

連珠

文苑傳傅毅著連珠

劉珍著連珠

文選

陸機演連珠五十首注傅玄叙連珠興於漢章之世

班固賈逵傅毅受詔作之合於古詩諷興之義

心雕龍楊雄草思文閣碎文璣語肇為連珠擬者間

出杜篤賈逵劉珍潘勗欲穿明珠多貫魚目唯士衡

理新文啟文選注引揚雄連珠杜篤連珠隋志

陸機連珠一卷何承天注文選劉謝靈運連珠集五

卷唐志陳證連珠十五卷黃芳連珠一卷梁武連珠

一卷沈約注約謂金鑣互梁武帝制旨連珠十卷邵

陵王綸注又陸緬注武帝著連珠群臣繼作梁有設

論意宋十卷謝靈運撰南齊書劉祥著連珠十五首

唐志謝靈運連珠集五卷梁武帝制旨連珠四卷

陸緬注十一卷康顯海藏連珠三十卷

連珠揚雄作沈約曰連珠之作始自子雲蓋謂辭句

連續互相發明若珠之結排也

漢魏文章

書目漢魏文章二卷宋玉及漢魏人文賦凡八十八

首三國志文類六十卷集詔書表奏評論序文等集

者不知名

晉文章派別集 文章志 善文

纂虞傳撰文章志四卷後漢桓麟傳注文章志注辭三

輔决錄又撰古今文章類聚區分為三十卷名曰派

別集各為之論辭理恒當為世所重唐高宗撰虞集十

撰官書以實華虞傳集經書要事名曰善文行於

世隋志撰集類文章派別等一百七部二千二百

一十三卷賦典摠集者以建安之後辭賦轉繁衆家

之集日以滋廣晉代摠虞苦覽者之勞倦於是採摭

孔翠芟剪繁蕪自詩賦下各為條貫合而編之謂為

派別摠虞文章派別集四十一卷梁六十卷志二

論二卷唐志三謝混派別本十二卷孔齊續派別

卷唐志杜預善文四十九卷隋志五十卷史記

名遺秦將章郎文選注引文章錄流別錄詩正

義引疏別論云詩有九言顧凱之有晉文章記

晉集苑 文苑 宋集林

唐志謝混集苑六十卷隋志四十五卷孔道文苑一百卷隋志

同又文苑鈔三十卷中興書目孔道集漢以後諸

儒文章今存十九卷賦頌駢銘誄弔典書表論凡十

屬目錄有書寫校正官吏姓名題龍朔二年或大中

十年盖唐祕書所藏本也南史道會稽人有才藻

隋志劉義慶集林一百八十一卷梁二百卷唐志

二百卷宋臨川王

義慶撰

唐志謝沈名文集四十卷丘遲集鈔四十卷隋志沈

十卷庾自直類文三百七十七卷

晉七林

枚乘作七發文選注七發者說七事以起發太子猶楚詞七諫之流屬文之士

若傅毅劉廣世崔駰李尤桓麟崔琦劉梁馬融張衡

作七激興依疑說蠲舉厲辨之篇 傅玄作七謨又

集七林 曹植作七啓并命王粲作 張協作七命

陸機七證 劉劭七華 顏延之七繹 沈佺期

七引 唐志卞氏七林集十二卷 隋志十卷梁十

一卷錄二卷卞景撰梁又有七林三十卷音一卷謝靈運七集十卷

晉江左文章志

唐志目錄類摯虞文章志四卷宋明帝晉江左文章

志二卷沈約宋世文章志二卷沈約傳撰文章志傅亮續

文章志二卷隋志同雜家任昉文章始一卷張續補姚

察續文章始一卷書目昉文章錄起世說注多引

江左文章志又有丘淵之文章錄別集錄顧凱之晉

文章記文章叙錄 丘靈鞠著江左文章錄序起太

興訖元熙 魏志注引文章序錄摯虞文章志後漢

嘉靖丙辰年 上海卷五十四

注引文章志

梁昭明太子文選 唐李善注文選

文選辨惑 五臣注文選 唐續文選

擬文選

隋志文選三十卷梁昭明太子撰唐志音三卷蕭該

撰唐志十卷 唐志李善注文選六十卷又文選辨惑十

卷公孫羅注文選六十卷音義十卷五臣注文選三

十卷衢州常山尉呂延濟都水使者劉承祖男良慶

延祚曹憲文選音義卷云康國安注駁文選異義二

十卷僧道淹許淹文選音義十卷 李邕傳父善淹貫

總集文章

古今不能屬辭人號書見顯慶中擢崇賢館學士為

文選注敷析淵洽表上之賜賚頗渥善釋事而忘意

書成以問邕邕不敢對善詰之邕意欲有所更善曰

試為我補益之邕附事曰義善以其不可奪故兩書

並行邕居汴鄭間講授諸生和模公孫羅李善傳授其學奩

曹憲傳以文選授諸生和模公孫羅李善傳授其學奩

會要顯慶六年正月二十七日右內率府參軍崇賢

直學士李善上注文選六十卷藏於祕府文選注表

年九月日日上表云昭明太子居肅成而講執呂

向傳嘗以李善釋文選為繁冗與呂延濟劉良張銑

嘉靖丙辰年

李周翰等更為注解時號五臣注。中興書目文選

昭明太子蕭統集子夏屈原宋玉李斯及漢迄梁文

人才士所著賦詩騷七詔冊令教表書啓牋記檄難

問議論序頌贊銘誄碑誌行狀等為三十卷與何遜劉孝綽

集選李善注析為六十卷。集賢注記開元十九年

二月蕭嵩奏王智明李元成陳居注文選先是馮光

震奉敕入院校文選上疏以李善舊注不精請改注

從之光震自注得數卷嵩以先代舊業欲就其功奏

智明等助之明年五月令智明元成陸善經專注文

選事竟不就。唐志孟利貞續文選十卷下長福續

總集文章

文選三十卷開元十七年卜隱之擬文選三十卷開元

處士目錄類常寶鼎文選著作人名目三卷。崇文目

文選抄十二卷。蘇易簡文選菁英十二卷。

唐志昭明太子古今詩苑英華二十卷蕭圓文海集

三十六卷蕭圓文海四十卷。隋杜正藏著文章體式時號文軌

梁文心雕龍

南史文學傳劉勰字彥和天監中兼東宮通事舍人

撰文心雕龍論古今文體其序畧云云云。沈約謂深

得文理。隋志總集類文心雕龍十卷梁劉勰撰唐

志文史類。史通詞人屬文其體非一譬甘辛殊味

萬曆十七年

三母卷五十四

監生黃汝極

丹素異彩後來祖述識昧圓通家有詆訶人相倚撫
故劉勰文心生焉 五十篇原道至序志末各系贊

唐七十五家摠集

志丁部總集七十五家九十九部四千二百二十三
卷始於摯虞文章流別集杜預善文次以謝沈名文
集孔逵文苑梁昭明文選詩苑英華終於劉孝孫古
今類聚詩苑三十卷郭瑜古今詩類聚七十卷歌錄集八卷
附以文史自李充翰林論至鍾嶸詩評四家四部十
八卷摠七十九家 百七部不著錄七十八家八百
一十三卷自李淳風注顏之推稽聖賦至林逢續掌

三百廿 裴龍

記畧文史自劉子玄史通至孫郃文格不著錄二十
三部一百七十九卷 隋志摠集一百七部二千二
百十三卷晉摯虞作流別作者繼軌并解釋評論總
於此篇終於法集 國朝志文史魏晉以前尚古文
有李充翰林論江左用聲律有顏竣詩例鍾嶸詩品
唐以來詩賦有張仲素賦樞范傳正賦訣史官欲明
職業有劉氏史通史例

總集七十五家若摯虞流別杜預善文謝沈名文集
孔逵文苑昭明文選蕭圓文海集康明貞辭苑麗則庾
自直類文李德林霸朝雜集蕭淑西府新文要集虞

萬曆十亥年 監生苗步陞

綽類集文苑詞英謝混集苑劉義慶集林丘遲集鈔
劉允濟金門待詔集許敬宗文館詞林麗正文苑芳
林要覽之類皆集文也昭明古今詩苑英華元嘉宴
會千寶百志崔光百國應璩李夔百一伏滔元正宴
會顏延之西池宴會齊之清溪釋奠集徐伯陽文會
北齊文林詩府以至劉孝孫郭瑜之類聚終於歌集
錄皆集詩也賦自宋明帝集至綦母邃三京賦音頌
自端應頌集至靖恭堂頌碑有諸郡碑雜碑論有殷
仲堪雜論及設論連珠自謝靈運至陸緬三家讚箴
銘誠有謝莊等四家書有王履書集夏赤松書林啓

表有山濤啓事至薦文集策有尤嘉策及宋伯宜之
集七林有卞氏集卷十二及顏之推七語若小辭林五
十三卷集古今帝王正位文章九十卷皆失名氏
別集始于荀況宋玉自漢武帝二卷淮南王二卷至
楊雄集五卷凡二十一家先漢之文也崔篆一卷東
平王蒼二卷至王粲十卷五十七家東漢之文也魏
武三十卷至鍾會十卷魏之文也許靖二卷至諸葛
二十卷蜀之文也吳自張溫至紀騭晉自宣帝至滕
演宋自武帝至袁粲齊自竟陵二十卷至張融玉海
六十卷梁始於文帝後魏始於文帝後周陳隋皆有

集錄唐之文自太宗四十卷至盧藏用三十卷凡一百十六家不著錄自玄宗至羅衮皆集也李嶠至皎然皆詩也盧獻卿至李山甫皆賦也陸贄至薛廷珪皆制詞也郭元振至趙璘皆表奏也四六若崔致遠贄若崔融策若魏徵至劉蕡判若駱賓王至鄭寬

唐三類集錄

志丁部集錄其類有三曰楚辭別集總集凡著錄八百一十八家八百五十六部一萬一千九百二十三卷不著錄四百八家五千八百二十五卷楚辭自王逸注至道騫音七家七部三十二卷別集自荀況至盧

總集文庫

藏用七百三十六家七百五十九部七千六百六十一

卷玄宗集至鄭寬百道判不著錄四百六家五千一

二卷

別集古人但以其名氏命名張

摠集見上

舊志

丁部集錄三類楚詞別集摠集共九百三十一部書

一萬一千八百六十二卷右集錄楚詞七家帝王二

十七家太子諸王二十一家七國趙楚各一家前漢

二十家後漢五十家魏四十六家蜀二家吳十四家

西晉一百十九東晉一百四十四宋六十南齊十二

梁五十九陳十四後魏十北齊四後周五隋十八唐

一百十二沙門七婦人七家摠集一百二十四家大

三十七

三十七

三十七

凡八百九十二部一萬二千二十八卷此與冊
隋虞世南等四十人選文章自楚詞訖大業為五千
卷號文章總集

唐文史四家

志文史類四家四部十八卷李充翰林論三卷劉勰
文心雕龍十卷顏竣詩例錄二卷鍾嶸詩評三卷

唐搖山玉彩

志類書類許敬宗搖山玉彩五百卷孝敬皇帝今太
子大師許敬宗司議郎孟利貞宗賢館學士郭瑜顧
胤右史董思恭等撰 孝敬皇帝傳名弘顯慶元年

為皇太子四年加元服龍朔元年命賓客許敬宗右
庶子許圜師中書侍郎上官儀中舍人楊思儉即文
思殿採摘古今文章英詞麗句以類相從號搖山玉
彩凡五百篇奏之帝賜帛三千段餘臣賜有差 會
要龍朔三年十月一日遣司元太常伯竇德玄進詔
藏書府

唐芳林要覽

志摠集類芳林要覽二百卷許敬宗顧胤許圜師上
官儀楊思儉孟利貞姚璿竇德玄郭瑜董思恭元思
敬集

唐麟閣詞英 麗正文苑 辭苑麗則

悉雜家麟閣詞英六十卷高宗時敕撰總集類麗正

文苑二十卷許敬宗顧胤等集康顯辭苑麗則三十

卷又唐明貞二十卷著錄

唐文館詞林

志雜傳記許敬宗文館詞林文人傳一百卷總集類

文館詞林一千卷許敬宗劉伯莊等撰崔玄暉訓注

文館詞林策二十卷梁元帝著詞林三卷會要顯慶三年十

月二日許敬宗修文館詞林一千卷上之崔元暉等

訓注垂拱二年二月十四日新羅王金政明遣使請

物集文章

唐禮并雜文章令所司寫吉凶要禮并於文館詞林
采其詞涉規戒者勒成五十卷賜之崇文目文館
詞林彈事四卷

唐珠英學士集

志五卷崔融集武后時脩三教珠英學士李嶠張說

等詩

唐金門待詔集

志劉允濟十卷

唐花萼集 聯珠集

志李氏花萼集二十卷李义尚一尚貞竇氏聯珠集

五卷竇群常牟庠輩皆工辭章義取兄弟若五

唐文府

志徐堅文府二十卷開元中詔張說括文選外文章
乃命堅與賀知章趙冬曦分門討會詔從之堅乃先
集詩賦二類為文府上之餘不能就而罷會要開
元十九年二月禮部員外郎徐安正等撰文府二十
卷上之集賢注記燕公初入院奉詔搜括文選外
文章別撰一部於是徐常侍及賀趙分部檢討徐等
且集詩賦二類獨簡雜文歷年撰成三十卷燕公以
所撰非精更加研考及蕭令嵩知院以文選是先祖

總集文章

所撰喜於嗣美

十九年嵩為學士知院事

奏皇甫彬徐安正孫逖

張環修續文選徐孫所取與常侍相乖別為二十卷

張始興嫌其取舍未允其事竟寢

志雜家徐陵文府七卷宗道寧注別集類李道古文

輿三十卷

唐麗文集

志劉明素麗文集五卷興元中集李吉甫麗則集五
卷

唐貞觀新書

志唐票三十卷集貞觀以前文章

唐大和通選

裴潏傳潏嘗哀古今文章以續梁昭明太子文選自號大和通選上之當時文士非與遊者不取世恨其隘。志裴潏大和通選三十卷。會要大和八年四月集賢學士裴潏上通選三十卷。

唐古今文集略 類表

志李吉甫古今文集略二十卷。又類表五十卷。亦名表啓集。書目李吉甫集梁陳汜唐開元歌詩三百二十首。為麗則集五卷。又集唐人表章歲啓露布等為類表五十卷。崇文目唐初表草一卷。

唐詞圃

志類書張仲素詞圃十卷。書目張仲素編經傳以字數虛實等類相從為十篇。為詞賦之備。

志孟利貞碧玉芳林四百五十卷。玉藻瓊林一百卷。劉綺莊集類一百卷。集傳記雜事一類者。

唐西漢文類 東漢文類

志柳宗直西漢文類四十卷。宗元序之。其書不傳。宋朝陶叔獻類次為四

十卷。梅堯臣序。寶嚴東漢文類三十卷。中興書目寶嚴類

次後漢書中詔冊及群臣書表章議檄對策說問文賦歌詩。附以范曄序論。

隋志梁有漢書文府三卷蕭琛撰

唐文章龜鑑

志文史類倪宥文章龜鑑一卷孫郃文格二卷

唐古今類聚策苑

志周仁瞻十四卷

唐續古今詩苑英華

書目十卷唐僧惠淨集梁大同至唐永徽合一百五

十四人詩五百四十八首以續劉孝孫古今類聚詩

苑

雍熙文苑英華

會要

兼寶訓

太平興國七年九月帝以諸家文集其數

至繁各擅所長綦蕪相間乃命翰林學士承旨李昉

學士扈蒙直院徐鉉中書舍人宋白知制誥賈黃中

呂蒙正李至司封員外郎李穆庫部員外郎楊徽之

監察御史李範秘書監丞楊礪著作佐郎吳淑呂文

仲胡汀戴貽慶國子監丞杜鎬將作監丞舒雅凡十

七人以徽之尤精風雅特命編詩為百八十卷閱前

代文章撮其精要以類分之為千卷目錄五十卷雍

熙三年十二月壬寅書成號曰文苑英華後李昉等

相繼改外任續命翰林學士蘇易簡等共成之帝覽

之稱善降詔褒諭以書付史館賜器帛各有差景
德四年八月丁巳詔三館分校文苑英華以前所編
次未盡允愜遂令文臣擇前賢文章重加編錄芟繁
補缺換易之卷數如舊景德中上謂宰臣曰今方外
苑英華先帝續次當擇館閣文學之士校正
與李善文選並鑿按頒布庶有益於學者實錄
雍熙三年十二月壬寅翰林學士宋白等上宋白等
表白席
編經史堂列縑細咀嚼英煦總覽翹秀撮其類例上
分以部居使沿沂者得其餘波慕味者接其妍唱上
覽而善之詔荅曰近代以來斯文浸盛雖述作甚多
而研蚩不辨遂令編緝止取菁英所謂撻鸞鳳之羽
毛截犀象之牙角書成來上實有可觀宜付史館景

梁集文章

德四年八月丁巳命直館校理校勘文苑英華及文
選摹印放行祥符二年十月己亥命太常博士石待
問校勘十二月辛未又命張秉薛映戚綸陳彭年覆
校孝宗以祕閣本多舛錯命周必大校讎以進淳
熙八年正月二十二日以一百十冊藏祕閣

淳熙唐登科文選

三年正月樂史上登科記三十一卷唐登科文選五
十卷崇文同唐孝悌錄十五卷

景德西岷酬唱集

書目二卷景德中楊億與錢惟演劉均李宗諤晁迥

嘉靖丙辰年 監生鄧從臣刊

及同館唱和七言五言律詩二百四十七章

祥符唐文粹

姚鉉纂百卷祥符四年祀汾陰后土之月集文粹成古賦樂章歌詩贊頌碑銘文論箴表傳錄書序止以古雅爲命不以彫篆爲工天禧四年六月鉉子嗣復上之癸巳以嗣復爲永城簿 晁氏志鉉字寶臣廬州人采唐世文章分門編類初爲五十卷後復增廣之爲薛映掎其事卒後其子以其書上詔藏內府書目紹興中樊汝霖集唐人文不見於新書傳者五百二十九篇名唐書文藝補六十三卷

未賜名曰皇朝文鑑而命周必大爲之序畧曰建隆
雍熙之間其文偉咸平景德之際其文博天聖明道

之辭古熙寧元祐之辭達

祖謙云國初文人尚少故所取稍寬仁宗以後文士

輩出故所取稍嚴

大雅之詩棧樸官人也早麓受祖也俱以

作人爲言蓋魚躍于淵氣使之也追琢其章理貫之
也雲漢昭于上豈弟施于下濟濟多士其有不觀感
而化者乎先是臨安書坊有江鈿新編文海淳熙四
年丁酉十一月命校正刻板壬寅學士周必大召對清
華閣奏委館閣官銓擇甲辰以命祖謙因請增損銓
次庚戌許之六年正月癸未上對大臣問之祖謙乃

以書進二月壬戌除祖謙直祕閣丙午命必大撰序
四月辛卯賜名文鑑後別命他官修定而鈔版之議寢
孝宗謂采取精詳有益治道 朱文公謂此書編
次篇篇有意

真文忠公德秀集文章正宗以明義理切世用為主
又有續文章正宗

陸機曰詩緣情而綺靡賦體物而瀏亮碑披文以相
質誄纏緜而悽愴銘博約而溫潤箴頓挫而清壯頌
優游以彬蔚論精微而朗暢奏平徹以閑雅說煒燁

而譎誑雖區分之在茲亦禁邪而制放要辭達而理
舉故無取乎冗長 韓愈曰將斬至於古之立言者
則無望其速成無誘於勢利養其根而俟其實加其
膏而希其光根之茂者其實遂膏之沃者其光暎仁
義之人其言藹如也進學解曰沈浸醲郁含英咀華
作為文章其書滿家上規姚姒渾渾無涯周誥殷盤
佶屈聱牙春秋謹嚴左氏浮誇易竒而法詩正而葩
下逮莊騷太史所錄子雲相如同工異曲先生之於
文可謂閱其中而肆其外矣 柳宗元曰吾每為文
章未嘗敢以輕心掉之懼其剽而不留也未嘗敢以

怠心易之懼其施而不嚴也未嘗敢以昏氣出之懼其昧沒而雜也未嘗敢以矜氣作之懼其偃蹇而驕也抑之欲其奧揚之欲其明踈之欲其通廉之欲其節激而發之欲其清固而存之欲其重此吾之所以羽翼夫道也本之書以求其質本之詩以求其常本之禮以求其宜本之春秋以求其斷本之易以求其動此吾所以取道之原也叅之穀梁氏以厲其氣叅之荀孟以暢其支叅之莊老以肆其端叅之國語以博其趣叅之離騷以致其幽叅之太史公以著其潔此吾所以旁推交通而以為之文也又曰文有二道

總集文章一

辭令褒貶本乎著述導物諷諭本乎比興著述者流盖出於書之謨訓易之象繫春秋之筆削比興者流盖出於虞夏之詠歌殷周之風雅秉筆之士罕有兼者唐興以來稱是選而不作者陳拾遺子昂其後燕文貞張說以著述之餘攻比興而莫能極張曲江九齡以比興之隙窮著述而不克備汪藻曰古之作者無意於文也理至而文隨之六經之書皆是物也逮左氏屈原始以文音自為一家而稍與經分漢公孫弘董仲舒蕭望之匡衡以經術顯司馬遷相如枚乘王褒以文章著當是時已不能合而為一至後世

流別而為六七靡靡然入於流連光景之文其去經遠矣。朱熹曰自聖學不傳世之為士者不知學之有本而惟書之讀則所以求於書不越乎記誦訓詁文詞之間以釣聲名干祿利而已是以天下之書愈多而理愈昧學者之事愈勤而心愈放詞章愈麗論議愈高而其德業事功之實愈無以逮乎古人然非書之罪也讀者不知學之有本而無以為之地也。學者稍厭折揚黃華而窺咸韶之音。用三代文章律度當世辭嚴義密。追古作者如彈有虞氏之琴鼓清廟之瑟一唱而三歎也。大音希聲震越渾鏗如鈞

總集文章一

天之奏。撞子石之鍾。振萬石之虞也。大呂勁鳴洪鍾橫撞。夏切韶濩。堯醜舜薰。入神出天。氣下理夷。日星垂而江漢流。鉅手魁筆磊落相望。續典紹謨還雅歸頌。凌躐百代直趨三王。魁奇偉麗九鼎十鼓。震越渾鏗歌周頌魯。

承詔撰述 類書

學古貴乎博忘其不精。記事貴乎要忘其不備。古昔所專必憑簡策。綜貫群典必為成書。

漢新語

見著書類

魏皇覽

魏志文帝好學黃初中散騎侍郎劉劭等受詔集

群言以類相從凡千餘篇號曰皇覽見御傳

魏略常侍王象受詔撰皇覽使象領

書監象從延康元年始撰集數歲成藏於秘府合四

十餘部部有數十篇通合八百餘萬字史記注引

隋志雜家皇覽一百二十卷魏略注引

何承天合一百二十三卷徐爰合五十

卷月四卷梁蕭琛抄二十卷唐志何承天并合皇

覽一百二十二卷徐爰并合皇覽八十四卷

類

帝誕諸人撰

建雲臺者非一枝成珍裘者非一掖言集之者衆也

晉陸機要覽

唐志雜家陸士衡要覽三卷書目一卷機自序云

直省之暇乃集要術三篇上曰連璧集其嘉名取其

連類中曰述聞寔述予之所聞下曰析名乃搜同辨

異也陸機集十卷以文賦為首

梁華林遍畧

梁書天監十五年敕太子詹事徐勉舉學士入華林

撰遍略勉舉何思澄顧協劉杳王子雲鍾嶼等五人
應選八年乃成合七百卷劉峻類苑成凡一百二十卷武帝即命諸學士撰華

林遍畧以高之唐志徐勉華林要畧六百卷隋志六百

二十卷徐僧權等撰

隋志唐志梁劉孝標類苑一百二十卷梁七錄卷八十二劉杳

壽光書苑二百卷陶弘景著學苑百卷張纘著鴻

寶一百卷

梁謚法 歷代謚法

書目沈約謚法十卷案約序大戴禮及世本舊並有
謚法而二書傳至約時已亡其篇唯取周書及劉熙

撰述

謚法廣謚舊文仍采乘輿帝王世紀謚法篇之異者

以為此書首列周書二篇以熙為本叙次舊文

廣謚及乘輿謚法各於其本文所出自周迄宋

帝王名臣凡有謚者並列其人名號於左友今本卷

數存文多外梁賀琛謚法三卷采舊謚法及廣謚又

益以已所撰新謚分君臣婦人三卷卷各分美平惡

三等梁書琛精三禮高祖詔撰新謚法至今施川其條比沈約謚例頗多

亦有約載而琛不取者續古今謚法十四卷唐王彥

威撰續沈約謚例博采傳記掎摭眾流起自南齊迄

于唐代錯綜名謚以類相從又分單複其唐帝后謚

嘉清丙辰年

別為尊謚凡一卷編定六家謚法二十卷判太常寺
 范鎮同判寺周沆掌禹錫張瓌呂公著王獵同知禮
 院王瓘呂夏卿李育雍子方禮院編纂姚闢蘇洵等
 撰取周公春秋廣謚沈約賀琛及扈蒙六家別其同
 異夫其重複刊謬補缺集為一書謚法三卷蘇洵撰
 嘉祐中采今文尚書汲冢師春蔡邕獨斷加以新意
 得一百六十八謚三百十一條又為摠論一篇辨論
 三篇以盡去取之意而表上之論四篇今不入此書
 又見皇朝謚錄二十卷蘇洵撰洵為歷代謚錄自周
 後至顯德為皇朝謚錄上自祖宗下逮卿相其有議者

撰述

皆列之於左凡三十五卷今缺歷代謚錄十五卷一
 卷修定謚法八十卷蘇洵等修定為六家沿革統論
 一卷參照六家二十六卷看詳六家三十五卷增立
 謚法十卷又合是三者著為定謚為修定謚法六卷
 總目二卷合八十卷上之內參照二十六卷缺蘇洵
 治平中周沆所上者蓋時禁蘇洵故也謚法三卷紹興中鄭樵

撰

梁金海

南史武帝集金海三十卷

史齊脩文殿御覽

唐志禮孝徵等備文殿御覽三百六十卷崇文目同
之百四系據以集書分二
定十部象乾坤之策成三百六十卷言三
倫文殿御覽成天地之數為

北齊聖壽堂御覽

陽休之傳武平三年與朝士撰聖壽堂御覽

雜家三百六十卷

陽休之取芳林遍畧加十六國春秋六經拾遺錄魏

史為玄洲苑御覽後改為聖壽堂御覽等又改為

文殿上之

唐十七家類書

志丙部子錄十五曰類書十七家二十四部七千二
百八十八卷始於何承天并合皇覽次以徐爰并合
皇覽劉孝標類苑劉杳壽光書苑徐勉華林遍畧祖
孝徵等修文殿御覽虞綽等長洲王鏡諸葛穎玄門
寶海一百二張氏書圖泉海七十卷高士廉等文
思博要許敬宗搖山玉彩累璧東殿初其歐陽詢藝
文類聚虞世南北堂書鈔一百七張太素策府五百
二武后玄覽一百張昌宗等三教珠英孟利貞碧玉
芳林四百五王藻瓊林一百失姓名三家要錄六十
卷檢事書二百六十卷帝王要覽二十卷不着錄者

自王義方筆海卷十玄宗事類十卷初學記卷三十及
政典通典會要終於劉揚名戚苑纂要素說戚苑英
華凡三十二家一千三百三十八卷 崇文目類書
四十六部四千六百五十卷始於太平御覽又五十
一部八百六十五卷終於摺紳集

唐群書治要

志雜家魏徵群書治要五十卷劉伯莊音五卷 會
要貞觀五年九月二十七日 癸未 祕書監魏徵撰群
書理要上之太宗欲覽前王得失爰自六經訖于諸
子上始五帝下盡晉年徵與虞世南褚亮蕭德言等

類書

歲五十卷上之諸王各賜一本 續錄作政要書

蕭德言傳太宗欲知前代得失詔魏徵虞世南褚亮

及德言哀次經史百氏帝王所以興衰者上之帝愛

其言情而要曰使我稽古臨事不惑者公等力也爰

賜允渥 李泌事見王政記 群書政要序例 俯揚

堯舜式遵稽古以為六籍紛綸百家踏駁窮理盡性

則勞而少功周覽泛觀則博而寡要爰命臣等採摭

群書自六經訖諸子始五帝盡晉年凡為五帙合五

平卷本求政要故以政要為名並棄春華采秋實庶弘

茲九德簡而易從觀彼百王不疾而速太宗覽之稱

善教太子諸王各傳一本賜徵帛二百匹
集賢注
天寶十三載十月敕院內別寫群書政要列出所
引道德經文先是院中進魏文正所撰群書理要上
覽之稱善令寫十數本分賜太子以下
鄴侯家傳
上曰朕欲知有古政理之要而史籍廣博卒難尋
覓讀何書而可對曰昔魏徵為太宗畧群書之言理
道者撰成五十卷謂之群書理要今集賢合有本又
宗朝宰相裴遵慶撰自上古已來至貞觀帝王成
之政謂之王政紀凡六十卷比寫本送臣欲令進
於先朝竟夫東其書見在臣請進之以廣聖聰上

曰此尤善也宜即進來於是表獻
中興書目十卷
祕閣所錄唐人墨蹟乾道七年馮副本藏之起第十
一止二十卷餘不存

隋志崔安帝王集要二十卷
唐志元氏類集三百

卷類集古今刑政之書

唐藝文類聚

志歐陽詢藝文類聚一百卷令狐德棻袁朗趙弘智

等同脩
歐陽詢傳武德七年詔與裴矩陳叔達撰

藝文類聚一百卷奏之賜帛二百段
會要武德七

年九月十七日給事中歐陽詢奉敕撰藝文類聚成

上之。中興書目一百卷分門類事附見前世詩賦
贊頌牋啓之作。序曰流別文選專取其文皇覽遍
畧直書其事。

唐文思博要 文樞秘要

志文思博要一千二百卷目十二卷右僕射高士廉
左僕射房玄齡特進魏徵中書令楊師道岑文本顏
相時朱子奢劉伯莊馬嘉運許敬宗崔行功呂才李
淳風褚遂良姚思廉司馬宅相等奉詔撰貞觀十五
年上凡一百二十帙文思殿各龍
朔中許敬宗於此撰搖山玉彩會要貞觀十
五年十月二十五日上詔藏秘閣志同撰人無崔行功
李淳風有秘書郎宋

類書

正又
餘同

文苑英華高士廉序云精義窮神微言探賾

觀書貴要則十家並馳觀要貴博則七略殊致摠質
文而分流混古今而共轍萬物雖衆可以同類千里
雖遙可以同聲頓天網於蓬萊綱目自舉馳雲車於
策府轍迹可尋義出六經事兼百氏究帝王之則極
聖賢之訓豈止刻石漢京垂金秦市比丘明之作傳
侔子長之著書墳素之苑圃文章之江海書目一

卷大中十年秘書監楊漢公奏排理亂書得此書第
一百七十二一卷墨蹟今藏于皇朝祕閣乾道七年
錄副本藏之集庫

志目錄類尹植文樞祕要目七卷鈔文思博要藝文

類聚為之崇文目同

崔融請修書表云近代書鈔實繁如華林遍畧脩文御覽壽光書苑長洲玉鏡及國家新撰藝文類聚文思博要等

唐北堂書鈔

志虞世南一百七十三卷中興書目一百六十卷

十卷虞世南於省後堂集群書中事可為文用者號

北堂書鈔分一百六十門晁氏志云一百七十二卷

南兔園策十卷纂古今事為四十八門皆偶儷之語二館舊闕虞世南北堂

類書

書鈔惟趙安仁家有本真宗命內侍取之嘉其好古手詔褒美

唐東殿新書

志東殿新書二百卷許敬宗李義府奉詔於武德殿

內脩撰其書自史記至晉書刪其繁辭龍朔元年一作

二上高宗製序會要顯慶元年十月詔禮部尚書

弘文館學士許敬宗等脩東殿新書成上曰略看數卷

全不似抄撮文書又日月復淺豈不是卿等用意至

此因新製序四百八十字舊紀顯慶元年五月許

敬宗傳自貞觀以後論次諸書自晉盡隋及東殿新

書西域圖志姓氏錄新禮等數十種 劉禕之傳遷
右史弘文館直學士上元中與元萬頃等偕召入禁
中論次新書凡千餘篇

唐累璧

志累璧四百卷又目錄四卷許敬宗等撰龍朔元年
上 會要龍朔元年六月二十六日中書令許敬宗
等撰累璧六百三十卷上之 舊記龍朔元年六月庚寅進六百三十卷目錄
四 隋志梁庾肩吾採璧三卷

唐三教珠英

志三教珠英一千三百卷目十三卷張昌宗李嶠崔

湜閻朝隱徐彥伯張說沈佺期宋之間富嘉謩喬侃
負半千薛曜等撰開成初 二年十月 改為海內珠英
武后所改字並復舊 又武后幻魁一百卷 會要大

足元年十一月十二日麟臺監張昌宗撰三教珠英
一千二百卷成上之初聖曆中上以御覽及文思博
要等書聚事多未周備遂令張昌宗召李嶠及魏知
古于季子王無競沈佺期王適徐堅尹元凱張說馬
吉甫元希聲李處正高備劉知幾房元陽宋之間崔
湜韋元旦楊齊哲富嘉謩蔣鳳等二十六人 無喬侃
錫集云珠英卷後列學士姓名蔣鳳 同撰於舊書外
自衣在選一本吳少微亦預脩

更加佛道二教及親屬姓名方域等部開成二年十月敕改天后朝所撰三教珠英為海內珠英列傳徐彥伯武后撰三教珠英取文辭皆天下選而彥伯李嶠居首朱敬則張易之集名儒撰三教珠英又繪武三思李嶠味道李迥秀王紹宗等十八人像為圖欲引敬則因辭不與世潔其為人張昌宗入禁中論著引李嶠等三十六人撰三教珠英徐堅與徐彥伯劉知幾張說等與修三教珠英時張昌宗李嶠總領彌年不下筆堅與說專意撰綜條彙粗立諸儒因之乃成書李適修三教珠英與劉允濟在選

類書

志 抄集有珠文學士集五卷崔融集四李嶠張說等四十七人詩摠二百七十六首

唐初學記

志 初學記三十卷張說類集要事以教諸王徐堅草述余欽施敬本張烜李銳孫季良等分撰

唐平臺祕略

王勃傳 沛王聞其名召為府修撰論次平臺祕畧書

成王愛重之 集序云撰平臺鈔畧十篇書就賜帛五十匹 文苑英華府

論有責 論十首孝行正修文藝忠武益政尊師褒

容幼俊現諷慎終

唐白氏經史事類

志三十卷白居易一名六帖書目白居易以天地事分門類為聲偶而不載所出

唐十九部書語類

志類書是光義十卷開元祕書監正字上授集賢院脩撰後賜姓齊集賢注記開元二十二年十一月

祕書正字是光義上十九部書語類敕留院修撰

卷十舊史鄭澣撰經史要錄成文宗以十九部書語類發問見錄類

建隆新撰名臣事跡

四年十月戊午吏部尚書張昭上新撰名臣事跡五

卷詔藏之書府昭傳云所著嘉善集五

太平興國太平御覽太平廣記

實錄太平興國二年三月戊寅詔翰林學士李昉扈

蒙左補闕知制誥李穆太子少詹事湯悅太子率更令

徐鉉太子中允張洎左補闕李克勤右拾遺宋白太

子中允陳鄂光祿寺丞徐用賓太府寺丞吳淑國子

監丞舒雅少府監丞呂文仲阮思道等十四人同以

前代修文御覽藝文類聚文思博要及諸書分門編

為一千卷又以野史傳記小說雜編為五百卷八年

十一月庚辰詔史館所修太平總類一千卷宜令日進三卷朕當親覽焉自十二月一日為始宰相宋琪等言曰天寒景短日閱三卷恐聖躬疲倦上曰朕性喜讀書頗得其趣開卷有益豈徒然也因知好學者讀萬卷書非虛語耳十二月庚子書成凡五十四門書目云雜采經史傳記小說自天地事物迄皇帝王霸分類編次詔曰史館新纂太平總類一千卷包括群書指掌千古頗資乙夜之覽何止名山之藏用錫嘉稱以傳來裔可改名太平御覽戊申上於禁中讀書一云清殿自己時至申時始罷有蒼鸛一作鶴自上始開卷飛止殿鴟尾逮掩卷而去

撰述

上恠之以語近臣宰相宋琪對曰此上好學之感也

昔楊震方講間有鸛雀銜三鱸魚墮於庭亦同其應

會要先是帝閱類書門目紛雜遂詔修此書興國

二年三月詔昉等取野史小說集為五百卷五十五部

至百三年八月書成號曰太平廣記二年三月戊寅所集八年十二月

成書月庚子六年詔令鏤版廣記鏤本頒天下言者以為非學者所急收墨板藏太清

樓二書所命官皆同唯克勤用賓思道改他官續命

太子中允王克正董淳直史館趙隣幾預焉

淳化太平雜編

二年八月癸酉參政張齊賢獻太平雜編二卷崇文目卷

同付史館所涉歷聞見及賦詠皆編類之

景德冊府元龜

景德二年九月丁卯命資政殿學士王欽若知制誥楊億修歷代君臣事迹欽若等奏請直秘閣錢惟演刁衍龍圖閣待制杜鎬戚綸直集賢院李維直史館王希逸陳彭年姜嶼陳越太子右贊善大夫宋貽序同編脩初令惟演等各撰編目送欽若暨億參詳欽若等又自撰集上用欽若等所撰為定有未盡者奉旨增之又令內臣劉承珪劉崇超典其事編脩官供帳飲饌皆異常等俄又令秘書丞陳從易校理劉筠

同編修又直館查道入常博士王曉未成又增直集賢院夏竦職方員外郎孫奭注撰音義三年四月丙子四年八月壬寅車駕再幸編脩之所再閱門類楊億悉以條對編次未及倫理者改正之帝曰朕編此書益取著歷代君臣德美之事為將來取法至於開卷覽古亦頗資於學者皆命從官坐賜編修官器幣王欽若以南北史有索虜島夷之號欲改去王旦曰舊史文不可改趙安仁曰杜預注春秋以長歷推甲子多誤亦不敢改但注云日月必有誤乃詔欲改者注釋其下凡所錄以經籍為先億又以羣書中如西京

雜記明皇雜錄之類皆繁碎不可與經史並行今並不取止以國語戰國策管孟韓子淮南子晏子春秋呂氏春秋韓詩外傳與經史俱編歷代類書修文殿御覽之類采摭銓擇凡三十一部部有總序千一百四門門有小序初撰篇序諸儒皆作帝以體例不一祥符元年二月丙午遂擇李維等六人撰訖付楊億竄定五月甲申手札詔凡悖惡之事及不足為訓者悉刪去之日進草三卷帝親覽之隨其舛誤多出手書詰問或召對指示商略三月丁卯詔或有增改事標記覆閱之

一年十月丁未手札令欽若等書名其增損悉書之

凡八年而成

之六年八月十三日壬申欽若等以獻進表曰惟凡例分別部居皆仰稟於宸謨惟表導於成憲列當隱括無遺每煩乙夜之覽觀率自清衷而裁定昔甘露石渠止於議奏開元麗正徒有使名矧皇覽博要之言玉鑑珠英之作但詞林之見采非治本之宜先洪惟上聖之能獨出百王之首鑿鑿歷凡千卷目錄十卷音義十卷詔題曰冊府元龜御製序序曰太宗皇帝始則編小說而成廣記纂百氏而著御覽集黃句而製文苑聚方書而議神醫次復刊廣疏於九經校闕疑於三史修古學於纂籍總妙言於經老

官十五門 諫諍六門 詞臣八門 國史十三門

掌禮九門 學校十五門 刑法九門 御史十

五門 環衛九門 銓選八門 貢舉十門 奉養十

十七門 內臣十六門 牧守四十二門 令長二十

十一門 官臣十一門 幕府十六門 陪臣二十

二門 總錄二百四十一門 外臣三十四門

唐志類書有張大素策府五百八十二卷

祥符彤管懿範

八月閏六月庚辰樞密使王欽若上奉詔編修唐

十七卷 賜名彤管懿範天約

冊府元龜凡六部百四十門詔欽若撰序先是元年

乾興天和殿御覽 爾英要覽

其善美事得其要者四十卷為二百一十五門書目

中撰 崇文 名曰天和殿御覽天和殿禁中藏仁宗

嘗謂輔臣曰天和殿御覽可命校定模本刊行之因

言朕聽政之暇於舊史無所不觀思考歷代治亂事

迹以為監戒 晏殊序曰上稽雅誥下采信書削糟

粕之繁撮丹青之要 實錄天聖二年五月甲寅內

萬曆丁亥年 監生朱益惟刊

出天和殿御覽四十卷隋書八十五卷下秘閣鏤板
丁度傳著通英聖覽十卷龜鑑精義三卷編年總
錄八卷

寶元詩苑類格

二年翰林學士李淑承詔編為三卷上卷首以真宗
御製八篇條解聲律為常格別二篇為變格又以沈
約而下二十二人評詩者次之中卷叙古詩雜體三十
門下卷叙古人體製別有六十七門

國朝類要

范師道撰國朝類要十二卷雜抄皇朝歷代事實

撰述類書

分類為三百六十四門 晏殊類要七十四篇開禧
二年正月晏表上之勅成一卷列為二千六十一
門書目七十七卷曾鞏序云七十四篇今多二篇崇
文目十五卷

嘉祐編定謚法 七家謚法

謚起於今文周書謚法篇汲冢 有周公謚法書目
一卷

即汲冢周書 春秋謚法廣謚沈約賀琛扈蒙六家之
謚法篇也

書蔡邕獨斷所載止四十大自 太平興國八年八
月辛亥詔增周公謚法五十五字命學士扈蒙等詳

定其沈約賀琛續廣謚廢不行美謚七十一字為百
字平謚七字為二十

嘉祐丙辰年

五海卷五十四

四十

監生劉夢陽刊

字惡謚十七嘉祐六年十月壬午禮院言雍熙中所
定字多舛誤請重修於是蘇洵編定六家謚法自周
公以來記為三十五卷政和三年十月王禹得言奉
常謚法自周公而下凡六家總二十卷請修成一書
六年十二月成八十卷六家舊書凡取四百六十二
條修一百五十九條刪九百二條增立一百十七條
總二百七十九謚八百三十九條已丑詔行之
唐六典注舊有周官謚法大戴禮謚法又漢劉熙注
一卷晉張靖撰兩卷又有廣謚一卷至梁沈約總集
凡有一百六十五條南史裴子野附
益謚法一卷

類書

沈約謚例 序云周書謚法一第五十六謚法二第

五十七今汲冢書止一篇第五十四書目一卷唯崇

文月有之學者就汲冢書採出春秋謚法一卷
學者

就杜預釋例謚法篇採出 沈約案謚法上篇卷前云

禮大戴記後云周書謚法第四十二又云凡有一百

四十五謚案大戴禮及世本舊並有謚法今檢十許

本皆無周書謚法一第五十六謚法二第五十七上

篇有十餘謚下篇唯有第目無謚名與前所云第四

十二又不同矣今謚法二篇有一百四十八名卷後

又云靖按謚有一百九十四又云高光明章和順冲

萬曆十七年 監生施可光

七謚謚法無也而漢家用之約又檢二篇唯無光耳其餘並有而又多不同約又案靖應是張靖晉江左人也劉熙注謚法唯有七十六名所闕甚多或有異名殊號近世所不用耶又有廣謚一篇七十八謚與舊文多同時有異耳約以為同是一謚而互出諸篇不相比次難為尋覽劉熙既有注解時或有所發明今以熙所撰為本又舊文一篇廣謚一卷悉少拔次第令名相隨各以其下注本文所出又自周氏以來迄于宋末帝王名凡有謚者並列其人名號於所謚之左方吳興人乘與撰帝王世紀其一篇是謚法今

兵部 蘇洵摠論曰嘉祐六年七月詔修禮書

六月詔古謚法有不可用者以屬修書之吏臣洵實與其直接治論謚者起於今文周書謚法之篇今文既以鄙野不傳其謚法之上篇獨存又簡略不備諸儒所傳又有周公春秋廣謚沈約賀琛紀綱粗備然琛好加書周公春秋為名尤古然條貫尤為雜亂而不精廣謚又疎略而不盡獨沈約賀琛紀綱粗備然琛好加以己意務為多而無窮意象最後出酌取諸家書而不精六書之中稍近古而可據者莫如沈約然亦非古之謚法約言之詳矣其最奮者見於世本大戴禮

而約之時已不見於其書約徒得劉熙乘輿之所增
廣書今唐志作帝王本知與廣蓋以為覆後不聞
有所謂周公春秋者也琛又因約而加之以其意今
周公春秋之法往往反取琛之新法而載之其書至
王彥威蘇冕之書因前人之法附世人之謚非有他
也賈山有言古者聖王作謚不過三四十世而蔡邕
獨斷所載亦不過四十有六臣受詔之二年二月而
蓋法乃定凡一百六十有八沈約為謚例謚至周紀宗
王彥威賀琛之法有君謚臣謚婦人謚雖而為
三今取而合之婦人有謚自周景王之穆后始匹

夫有謚自東漢之隱者始宦者有謚自東漢之孫程
始蠻夷有謚自東漢之莎車始自周公以來藉而記
之為三十五卷善者可以勸惡者可以懼善惡之失
當者可以長歎息也宋敏求集類國朝謚幾二百
人孫緯纂元豐後三百餘人為集謚總錄一卷自宗
室宰相以下分為九等

七家謚法 周公 春秋 廣謚 沈約 賀琛 卷

蒙 蘇洵 自有謚法以來至治平禮院書成始有所
去取而論定慶元五年太社令龔夬正會粹六家增
入蘇洵獨本字其上列為旁通其義有無分注下

歷為八卷名七家謚法摠括卷一諸家序篇著論家二
君美十九字君臣美三十三字后附十八三臣美上
五十九字后附九四臣美下八十五字五君惡二十
一字君臣平四字六臣惡一百五字七婦人美六十
字婦人惡二十八字八通用四十四字諸家通三百
六十七字嘉祐所定一百九十八字
蘇洵曰周公
之書文尤繁雜不經春秋次之次周公甚簡而微為
不亂廣謚最簡比二書差為齊一沈約所取以成書
採諸家其書最詳煩瑣因而增之尤詳備而皆病
無所去取扈蒙新書其意妄偽反為五家之所非

笑李壁曰名周公者即汲冢周書謚法篇名春秋
者即杜預釋例謚法篇唐及國史藝文志皆不載意
近世學者就二書中采出

元祐邇英要覽

慶曆元年八月乙酉詔兩制檢閱唐書紀傳君臣事
迹近於治道者日錄一兩條上之以學士蘇紳言唐
憲宗令近臣具前代得失之迹繪圖以備觀覽也

元祐二年十一月壬申詔講讀官遇不開講日具漢
唐故事有益政體者二條進入從蘇頌之請也頌每
進可為規戒有補時政者述以已意反復言之四年

三月甲戌三日吏部尚書兼侍讀蘇頌等奏臣等撰進漢唐故事得旨分門編修成冊進呈詔以邇英要覽為名六月六日頌等進呈凡二十卷自修身至御戎六十門元祐三年十月講讀官顏復范祖禹趙彥若孫覺李常蘇軾蘇頌孫固等奉旨撰建炎四年八月四日令侍從一員日進前代本朝故事關涉治體者一兩事後謝克家之言也後止命講讀官翰苑兩省進

紹興中興備覽 中興要覽

五年十月庚戌右僕射張浚入見上嘗召對便殿問

撰述類書

所宜為且命以所聞見置策來上浚承命條列以進號中興備覽凡四十一篇莫不備具自議征伐至上深嘉歎置之坐隅諸臣奏議云五年十一月八年二月戊午夔州教授李昌言應詔撰成中興要覽十篇自始至終行之將永享沿安不止恢復而已詔投進

乾道翰苑群書

乾道間洪遵纂唐李肇翰林志元稹承旨學士院記韋處厚學士記韋執誼翰林院故事楊鉅學士院舊規丁居晦壁記本朝李昉禁林燕會集錢惟演金坡遺事晁迥別書金坡遺事李宗諤雜記蘇易簡續志

蘇耆次續志沈該中興翰苑題名及學士年表翰苑遺事不著名氏粹為一書凡三卷

小說九百比虞初之聿成奏牘三千效東方而為獻

藝文類聚會粹小說則失之雜羣書理要事止興衰則病乎簡修文御覽門目紛錯又不足觀矣

玉海卷第五十四

